

驚魂記

1	熒幕蓋字: 驚魂記	
2	- 星期日下午，一家人外出郊遊後，一同回到舅父家吃飯 - 七人車上，爸爸駕著車，媽媽坐在副駕駛座，舅父坐在中坐，兩個小孩在後座竊竊私語 - 頑皮的表哥小聲跟囡囡說話 - 囡囡有點眼睏，聽完表哥說之後睡意全消 - 囡囡愈聽愈心驚。 - 堂哥做動作，雙手扮角。 - 囡囡掩著雙耳。 - 舅父見狀，轉身說 - 爸爸望一望後座，在大圍後山停車。 - 眾人下車。	哥：我屋企附近有個傳說㗎…… 囡：下？ 哥：樹林裡面住咗一種好神秘嘅動物，佢成身硬毛，好枯手…… 囡：下？ 哥：全身黑蚊蚊，一到天黑，佢就會四圍搵嘢食…… 囡：……你……唔好再講啦！ 舅：阿仔，唔好蝦表妹呀！ 爸：好喇！我哋到啦！
3	- 下車後，表哥轉眼已跑進回家的路。 - 爸爸媽媽舅父在車尾箱拿出郊遊物品。 - 囡囡在等候爸爸媽媽舅父，身後感到涼意。 - 突然一下狗吠聲，嚇得囡囡叫了一聲，抱著媽媽。 - 爸爸媽媽笑，媽媽摸一摸囡囡的頭安撫她	媽：揸返個袋先。 囡：呀！ 媽：傻女，狗仔歡迎我哋之嘛！ 囡：唔係呀！可能係神秘動物呀！ 媽：我們走吧
4	- 舅父的家位於山坡上，大家沿著山坡的石階慢慢走上去 - 風吹過，囡囡一望，發現旁邊的草叢擺動，而且幅度很大好像有東西要走出來，囡囡開始害怕，捉緊爸爸的手。 - 突然，表哥從草叢大吼著衝出來！ - 囡囡尖叫抱著爸爸。 - 表哥指著囡囡大笑。 - 爸爸抱著囡囡安撫她。 - 舅父責備表哥，表哥卻在扮鬼臉	囡：爸爸，嗰度好似有啲嘢呀！ 爸：風吹過啲葉啫！傻女，邊有咁多神秘嘅動物呀！ 哥：吼！ 囡：呀！ 哥：哈哈…… 爸爸：唔駛驚…… 舅：你點可以咁樣嚇人架！ 哥：玩下之嘛。

5	- 囡囡想哭，爸爸見狀就耐心解釋，說出真相 - 囡囡半信半疑 - 表哥堅持 - 爸爸笑著搖頭，耐心糾正表哥的謬誤 - 囡囡生氣，表哥向她扮趣怪豬臉，二人追逐 - 眾人笑	爸：阿囡，其實表哥講嘅只不過係野豬，一啲都唔神秘。 囡：真係架？ 哥：咩呀，啲野豬好大隻，好恐怖架！ 爸：其實野豬係香港好常見嘅野生動物，因為呢度後面係天然嘅山林，所以咪會有野豬係度住囉。唔好睇佢咁咁大隻，其實好細膽同怕人架。 囡：咁會唔會咬人架？ 爸：只要你唔去騷擾佢哋，佢哋唔會主動滋擾人類架。 囡：表哥，你哋我！ 哥：哈哈，係你細膽之嘛！
	- 一家人繼續向叔叔家方向走，忽然囡囡發現路旁的草叢擺動有野豬 - 野豬出現 - 爸爸解說 - 媽媽催促大家	囡：哇，真係有野豬呀！ 哥：你唔驚野豬，不如去餵佢丫？ 爸：我哋千祈唔好餵野豬呀，咁會改變佢哋嘅習性，令佢哋唔識自己搵野食，仲會過度繁殖，甚至唔再怕人類，走埋入市區造成滋擾，到時就麻煩喇！ 囡：咁我哋離遠打個招呼好喇！ 媽：好啦！再講就天黑喇，舅母等緊我哋食飯架！ 囡：拜拜野豬！
6	野豬小貼士	旁白： 遇到野豬點做好？ 第一，大家應該保持鎮定，盡量與野豬保持距離 第二，千其唔好用物件拋向或驅趕野豬，以免挑釁野豬而發生危險 記住喇，唔好餵佢地呀！
7	熒幕蓋字: 唔好餵喇	